

瓦前最勝撲賣奇巧器皿百色物件與日間無異其餘坊巷市井買賣關
撲酒樓歌館直至四鼓後方靜而五鼓朝馬將動其有趁賣早市者復起
開張無論四時皆然如遇元宵猶盛排門和賃民居作觀玩幕次不可勝
紀隆具問高廟與六宮等在中瓦相對今修內司染坊看位觀孝宗皇帝
孟享迴就觀燈買市簾前排列內侍官快行堆垛見錢宣押市食歌叫支
賜錢物或有得金銀者是時尚有京師流寓經紀人市店遭遇昔如李婆
婆羹南瓦子張家糴子若遇車駕行幸春秋會等連簷並幕次排列此
如執政府墻下空地舊各南倉前諸色路岐人在此作場尤為駢闐又呈
城引馬道亦然候潮門外殿司教場夏月亦有絕伎作場其地街市如此
空隙地段多有作場之人如大瓦肉市炭橋藥市摘園亭書房東菜市城
北米市其餘如五間樓福客糖果所聚之類未易縷舉

永
諸行

市肆謂之行

音杭者因官府科索而得此名不以其物小大但合

克用者皆置為行雖醫卜亦有職醫尅擇之差占則與市肆當行同也內
亦有不當行而借名之者如酒行食飯行是也又有名為團者如城南之
花團泥路之青果團江下之蠶團後市街之柑子團是也其他工伎之人
或名為作如篦刀作腰帶作金銀鍍作釵作是也又有異名者如七寶謂

大
曲